

ТАКАН ГУУДЖМЛМУД СÄÄНÄР ÖСГДЖÄНÄ

Западн района „Пролетарская победа“ гидг колхозд ұр Денисова Мария така хәләдж, асрджанә. Апрель сарин 17-д инкубаторн станцас 1400 толгъа такан гууджмлмуд авсн бәәдж. Тер гууджмлмудас зуг зуухн толгъа гару гарч. Июнь сарин 27-д 1300 толгъа гууджмлмудиг така хәләджәх кӯунд эрӯл-дорул өгсн бәәнә.

Апрелин 9-д инкубаторн станцас авч ирсн такан гууджмлмудан асрдж-өсгтхә гидж ұр Беляева Марияд даалгъсн бәәдж. Тегәд эн Беляева Мария килмджән өгәд асрдж, өсгсн учрар гару икәр гарсн уга. 1020 толгъа гууджмлмудас 40 толгъа гарута болв. Иим гару ик биш гидж санх кергтә. Юнъгад гихлә, гууджмлмудиг инкубаторн станцас нег-хойр хонсн дарунь авдмн.

Иим сән дамшлтта улс эн колхозд олн бәәнә. Үлгүрлхд, ұр Чернявская Полина Никитична бий деерән даадж 1200 толгъа нилх гууджмл авсн бәәдж, тенӯнәсн 1100 толгъа гууджмл әмд, эрӯл-дорул асрдж өсгсн бәәнә. Үр Подгорная Пелагея бий деерән даадж, авсн 2034 толгъа гууджмлмудасн 1938 толгъа эрӯл-дорул өсгдж.

Тегәд Хальмг танъгъчин цуг колхозмудар болн совхозмудар така-шову хәләдж, асрдж йовх улс әдү мет килмджән өгч, така-шовугъан асрдж өсгхлә, өбрхн джилмӯдин эргцд така-шовуна махн, өндгн элвг болхн лавта.

БАКАН АНЪГЪРГ.